

Последование ко Святому Причащению

Начало обычное

Моли́твами святы́х оте́ц на́ших, Го́споди Иису́се Христе́ Бо́же на́ш, поми́луй на́с. Ами́нь.

Царю́ Небе́сный, Уте́шителю, Ду́ше и́стины, И́же везде́ сый и вся́ исполня́й, Сокро́вище благи́х и жи́зни Пода́телю, прииди́ и всели́ся в ны́, и очи́сти ны́ от вся́кия скве́рны, и спаси́, Бла́же, ду́ши на́ша.

Святы́й Бо́же, Святы́й Кре́пкий, Святы́й Безсме́ртный, поми́луй на́с. (Трижды)

Сла́ва Отцу, и Сы́ну, и Свято́му Ду́ху, и ны́не и прісно и во ве́ки веко́в. Ами́нь.

Пресвята́я Тро́ице, поми́луй на́с; Го́споди, очи́сти грехи́ на́ша; Влады́ко, прости́ беззаконіа на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (Трижды)

Сла́ва Отцу, и Сы́ну, и Свято́му Ду́ху, и ны́не и прісно и во ве́ки веко́в. Ами́нь.

О́тче на́ш, И́же еси́ на небесе́х! Да святі́тся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хле́б на́ш насущный да́ждь нам днесь; и оста́ви нам до́лги на́ша, я́коже и мы́ оставля́ем должни́ком на́шим; и не введи́ на́с во искуше́ние, но изба́ви на́с от лука́ваго.

Го́споди, поми́луй. (12 раз)

Прииді́те, поклоні́мся Царе́ви на́шему Бо́гу. (Покло́н)

Прииді́те, поклоні́мся и припаде́м Христу́, Царе́ви на́шему Бо́гу. (Покло́н)

Прииді́те, поклоні́мся и припаде́м Самому́ Христу́, Царе́ви и Бо́гу на́шему. (Покло́н)

Псалом 22

Госпо́дь пасёт мя́, и ничто́же мя́ лишіт. На ме́сте зла́чне, та́мо всели́ мя́, на воде́ поко́йне воспита́ мя. Ду́шу мою́ обрати́, наста́ви мя́ на стези́ пра́вды, и́мене ра́ди Своего́. А́ще бо и пойду́ посреде́ сени́ сме́ртныя, не убо́юся зла́, я́ко Ты́ со мно́ю еси́, же́зл Тво́й и па́лица Твоя́, та́ мя уте́шиста. Угото́вал еси́ предо мно́ю трапе́зу сопро́тив стужа́ющим мне́, ума́стил еси́ еле́ом главу́ мою́, и ча́ша Твоя́ упоява́ющи мя́, я́ко держа́вна. И ми́лость Твоя́ поженёт мя́ вся́ дни́ животá моего́, и е́же вселіти ми́ ся́ в до́м Госпо́день, в долготу́ дней.

Псалом 23

Госпо́дня земля́, и исполне́ние ея́, вселе́нная, и всі́ живущи́и на не́й. То́й на моря́х основа́л ю́ е́сть, и на река́х уго́товал ю́ е́сть. Кто́ взы́дет на го́ру Госпо́дню? Или́ кто́ ста́нет на ме́сте святе́м Его́? Непові́нен рука́ма и чи́ст се́рдцем, и́же не прия́т всу́е ду́шу свою́, и не кля́тся ле́стию і́скреннему́ своему́. Се́й при́имет благослове́ние от Го́спода, и ми́лостыню́ от Бо́га, Спа́са своего́. Се́й ро́д и́щущих Го́спода, и́щущих лице́ Бо́га Иа́ковля. Возмі́те врата́ кня́зи ва́ша, и возмі́теся врата́ ве́чная; и вни́дет Ца́рь Сла́вы. Кто́ е́сть се́й Ца́рь Сла́вы? Госпо́дь кре́пок и си́лен, Госпо́дь си́лен в

брани. Возмите врата князи ва́ша, и возмитеся врата́ вѣчная, и внидет Ца́рь Сла́вы. Кто́ е́сть се́й Ца́рь Сла́вы? Госпо́дь си́л, То́й е́сть Ца́рь Сла́вы.

Псалом 115

Вѣровах, те́мже возглаго́лах, аз же смири́хся зело́. Аз же ре́х во изступле́нии моём: вся́к человек ло́ж. Что́ возда́м Го́сподеви о́ всѣх, я́же воздаде́ ми? Ча́шу спасе́ния прииму́, и и́мя Господне́ призову́, моли́твы мо́я Го́сподеви возда́м пред всѣми́ людьми́ Егó. Честна́ пред Го́сподем сме́рть преподо́бных Егó. О, Го́споди, аз ра́б Тво́й, аз ра́б Тво́й и сын рабы́ни Твоея́; растерза́л еси́ у́зы мо́я. Тебе́ пожру́ же́ртву хвалы́, и во и́мя Господне́ призову́. Моли́твы мо́я Го́сподеви возда́м пред всѣми́ людьми́ Егó, во дво́рех до́му Господня́, посреде́ тебе́, Иерусали́ме.

Сла́ва Отцу́, и Сы́ну, и Свято́му Ду́ху, и ны́не и прісно, и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же.

Аллилу́иа, аллилу́иа, аллилу́иа, сла́ва Тебе́, Бо́же.

Аллилу́иа, аллилу́иа, аллилу́иа, сла́ва Тебе́, Бо́же. (С тремя поклонами)

Тропа́ри, гла́с 8-й

Беззако́ния мо́я прѣзри, Го́споди, от Де́вы рожде́йся, и се́рдце моё очисти, хра́м то́ твора́ пречи́стому Твоему́ Те́лу и Кро́ви, ниже́ отрини́ мене́ от Твоего́ лица́, без числа́ имейя́ ве́лию ми́лость.

Сла́ва Отцу, и Сы́ну, и Свято́му Ду́ху. Во прича́стие святы́нь Твои́х како́ дерзну́ [вни́ду], недостойный? А́ще бо дерзну́ к Тебе́ приступи́ти с достойными, хитон́ мя облича́ет, я́ко несть вече́рний, и осужде́ние исходата́йствую́ многогрѣшной ду́ши моё́й. Очи́сти, Го́споди, скве́рну ду́ши моёя́, и спаси́ мя, я́ко Человеколю́бец.

И ны́не, и прісно, и во ве́ки веко́в, ами́нь. Мно́гая мно́жества мои́х, Богоро́дице, прегреше́ний, к Тебе́ прибе́гох, Чи́стая, спасе́ния тре́буя: посети́ немощствую́щую мою́ ду́шу, и моли́ Сы́на Твоего́ и Бо́га на́шего, да́ти ми́ оставле́ние, я́же соде́ях лю́тых, Еди́на благослове́нная.

Псалом 50

Помилу́й мя, Бо́же, по вели́цей ми́лости Твое́й, и по мно́жеству щедро́т Твои́х очисти́ беззако́ние моё. Наипа́че омы́й мя от беззако́ния моего́, и от греха́ моего́ очисти́ мя; я́ко беззако́ние моё аз зна́ю, и грех мо́й предо мно́ю е́сть ви́ну. Тебе́ еди́ному согреши́х и лука́вое пред Тобо́ю сотвори́х; я́ко да оправди́шия во словесе́х Твои́х, и победи́ши внегда́ суди́ти Ти. Се́ бо, в беззако́ниих зачат е́смь, и во гресе́х роди́ мя ма́ти мо́я. Се́ бо, и́стину возлюбил еси́; безвѣстная и та́йная премудро́сти Твоея́ явил ми́ еси́. Окропи́ши мя иссо́пом, и очищу́ся; омыеши́ мя, и па́че сне́га убелю́ся. Слу́ху моему́ да́си ра́дость и весе́лие; возра́дуются ко́сти смире́нныя. Отврати́ лице́ Твоё от грех мои́х и вся́ беззако́ния мо́я очисти́. Се́рдце чи́сто сози́жди во мнѣ, Бо́же, и ду́х пра́в обнови́ во утробе моё́й. Не отвержи́ мене́ от лица́ Твоего́ и Ду́ха Твоего́ Свята́го не отыми́ от мене́. Возда́ждь ми́ ра́дость спасе́ния Твоего́ и Ду́хом Влады́чним утверди́ мя. Научу́ беззако́нныя путе́м Твои́м, и нечестивии́ к Тебе́ обратя́тся. Изба́ви мя от крове́й, Бо́же, Бо́же спасе́ния моего́; возра́дуется язы́к мо́й пра́вде Твое́й. Го́споди, устне́ мои́ отвѣрзеши, и уста́ мо́я возвестя́т хвалу́ Твою́. Я́ко а́ще бы восхоте́л еси́ же́ртвы, да́л бы́х у́бо: всесо́жже́ния не благоволи́ши. Же́ртва Бо́гу ду́х сокруше́н; се́рдце сокруше́нно и смире́нно Бо́г не уничи́жит. Ублажи́, Го́споди, благово́лением Твои́м Сио́на,

и да созиждутся стѣны Иерусалимския. Тогда благоволиши жѣртву правды, возношеніе и всесожегаемая; тогда возложат на олтарь Твоѣй тельцы.

Канѡн, глас 2-й

Песнь 1

Ирмос: Грядіте людіе, поім песнь Христу́ Бо́гу, раздѣльшему море, и наставльшему людіи, яже изведе из рабѡты египетския, яко прославися.

Припѣв: Сѣрдце чисто созижди во мне, Бѡже, и дух прав обнові во утрѡбе моеѣй.

Хлеб животá вѣчнующаго да бѣдет ми Тѣло Твоѣ Святѡе, благоутрѡбне Гѡсподи, и Честная́ Кровь, и недѣг многообразных исцелѣние.

Припѣв: Не отвѣржи менѣ от лица́ Твоегѡ, и Дѣ́ха Твоегѡ Святѡго не отыми́ от менѣ.

Осквернен дѣлы безмѣстными окаянный, Твоегѡ Пречыстаго Тѣла и Божѣственныя Кро́ве недостѡин есмь, Христѣ, причащѣнія, егѡже мя сподѡби.

Припѣв: Пресвятая́ Богородице, спасі нас.

Богородичен: Землѣ благая́, благословѣнная Богоневѣсто, клас прозябшая неоранный и спасительный міру, сподѡби мя сей ядѣща спастися.

Песнь 3

Ирмос: На камени мя вѣры утвердив, расширил еси уста́ моя на враги́ моя. Возвесели́ бо ся́ дѣх мой, внемда́ пѣти: несть свят, якоже Бѡг наш, и несть праведен, паче Тебѣ, Гѡсподи.

Припѣв: Сѣрдце чисто созижди во мне, Бѡже, и дух прав обнові во утрѡбе моеѣй.

Слезныя ми подаждь, Христѣ, капли, скверну сѣрдца моего́ очищающія: яко да благою со́вестію очищен, вѣрою прихожду́ и страхом, Влады́ко, ко причащѣнію Божѣственных Дарѡв Твоѣих.

Припѣв: Не отвѣржи менѣ от лица́ Твоегѡ, и Дѣ́ха Твоегѡ Святѡго не отыми́ от менѣ.

Во оставленіе да бѣдет ми прегрешѣний Пречыстое Тѣло Твоѣ, и Божѣственная Кровь, Дѣ́ха же Святѡго общѣние, и в жизнь вѣчную, Человеколю́бче, и страстей и скорбѣй отчужденіе.

Припѣв: Пресвятая́ Богородице, спасі нас.

Богородичен: Хлѣба живѡтнаго Трапѣза Пресвятая́, свѣше мѣлости ра́ди шѣдшаго, и мірови но́вый живѡт дающаго, и менѣ ны́не сподѡби недостѡйнаго, со страхом вкусіти сегѡ, и живу́ быти.

Песнь 4

Ирмос: Пришел еси́ от Дѣвы, не ходатай, ни Ангел, но Сам, Гѡсподи, воплощься, и спасл еси́ всего́ мя человека. Тем зову́ Ти: слава́ силѣ Твоѣй, Гѡсподи.

Припѣв: Сѣрдце чисто созижди во мне, Бѡже, и дух прав обнові во утрѡбе моеѣй.

Восхотѣл еси́, нас ра́ди воплощься, Многомѣлостиве, заклан бѣти яко овча́, грех ра́ди человѣческих: тѣмже молю́ Тя, и моя́ очисти согрешѣнія.

Припéв: Не отвéржи менé от лицá Твоегó, и Дúха Твоегó Святáго не отымí от менé.

Исцели души моея язвы, Гóсподи, и всего освяти: и сподóби, Влады́ко, я́ко да причащúся тáйныя Твоея Божéственныя вéчери, окаянный.

Припéв: Пресвятáя Богорóдице, спасí нас.

Богорóдичен: Умíлостиви и мне Сúщаго от утрóбы Твоея, Влады́чице, и соблюди́ мя несквэрна раба́ Твоегó и непорóчна, я́ко да приéм умнаго б́исера, освящúся.

Песнь 5

Ирмо́с: Свéта Подáтелю и веко́в Творче, Гóсподи, во свéте Твоих повелéний наста́ви нас; рáзве бо Тебé ино́го бо́га не зна́ем.

Припéв: Сёрдце ч́исто созíжди во мне, Бóже, и дух прав обновí во утрóбе мое́й.

Я́коже предрéкл еси́, Христé, да б́удет úбо худóму рабу́ Твоему́, и во мне преб́уди, я́коже обеща́лся еси́: се бо Тéло Твоé я́м Божéственное, и пию́ Кровь Твою́.

Припéв: Не отвéржи менé от лицá Твоегó, и Дúха Твоегó Святáго не отымí от менé.

Слóве Бóжий и Бóже, угль Тéла Твоегó да б́удет мне помрачённому в просвещéние, и очищéние оквернённой души́ мое́й Кровь Твою́.

Припéв: Пресвятáя Богорóдице, спасí нас.

Богорóдичен: Марíе, Мáти Бóжия, благоухáния честное селéние, Твоими молíтвами сосúд мя избранный соделай, я́ко да освящéний причащúся Сы́на Твоегó.

Песнь 6

Ирмо́с: В бéздне грехóвней валя́ясь, неизслéдную милосёрдия Твоегó призывáю бéздну: от тли, Бóже, мя возведí.

Припéв: Сёрдце ч́исто созíжди во мне, Бóже, и дух прав обновí во утрóбе мое́й.

Ум, дúшу и сёрдце освяти́, Спа́се, и тéло моé, и сподóби неосуждённо, Влады́ко, к стра́шным Тáйнам приступíти.

Припéв: Не отвéржи менé от лицá Твоегó, и Дúха Твоегó Святáго не отымí от менé.

Да бых устрани́лся от страстéй, и Твоея́ благодáти имéл бы приложéние, животá же утверждéние, причащéнием Святых, Христé, Тáин Твоих.

Припéв: Пресвятáя Богорóдице, спасí нас.

Богорóдичен: Бóжие, Бóже, Слóво Святóе, всего́ мя освяти́, ны́не приходя́щаго к Божéственным Твоим Тáйнам, Святы́я Мáтере Твоея́ мольба́ми.

Гóсподи, помíлуй. (Три́жды)

Слáва Отцу́, и Сы́ну, и Свято́му Дúху, и ны́не и пр́исно и во ве́ки веко́в. Ами́нь.

Кондак, глас 2-й

Хлеб, Христѣ, взяти не презри мя, Тѣло Твое, и Божественную Твою ныне Кровь, пречистых, Владыко, и страшных Твоих Таин причастится окаяннаго, да не будет ми в суд, да будет же ми в живот вечный и безсмертный.

Песнь 7

Ирмос: Тѣлу златому премудрыя дѣти не послужаша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Припев: Сердце чисто созижди во мне, Боже, и дух прав обнови во утробе моей.

Источник благих, причащение, Христѣ, безсмертных Твоих ныне Таинств да будет ми свет, и живот, и безстрастие, и к преспянию же и умножению добродетели Божественнейшия ходатайственно, еди́не Блаже, яко да славлю Тя.

Припев: Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, трепетом и любовью со благоговением, Человеколюбче, приступаяй ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

Припев: Пресвятая Богородице, спаси нас.

Богородичен: Спаса Христа рождающая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

Песнь 8

Ирмос: В печь огненную ко отроком еврейским низшедшаго, и пламень в росу преложшаго Бога, пойте дела яко Господа, и превозносите во вся веки.

Припев: Сердце чисто созижди во мне, Боже, и дух прав обнови во утробе моей.

Небесных, и страшных, и святых Твоих, Христѣ, ныне Таин, и Божественная Твоя и тайная вечери общника быти и мене сподоби отчаяннаго, Боже, Спасе мой.

Припев: Не отвержи мене от лица Твоего, и Духа Твоего Святаго не отыми от мене.

Под Твое прибеги благоутробие, Блаже, со страхом зову Ти: во мне пребуди, Спасе, и аз, якоже рекл еси, в Тебе; се бо дерзая на милость Твою, ям Тело Твое, и пью Кровь Твою.

Припев: Пресвятая Троице, Боже наш, слава Тебе.

Трепещу, приемля огонь, да не опалюся яко воск и яко трава; оле страшнаго таинства! оле благоутробия Божия! Како Божественнаго Тела и Крове брение причащаюся, и нетленен сотворяюся?

Песнь 9

Ирмос: Безначальна Родителя Сын, Бог и Господь, воплощся от Девы нам явися, омраченная просветити, собрати расточенная: тем всепетую Богородицу величаем.

Припев: Сёрдце ч́исто соз́ижди во мне, Бóже, и дух прав обнов́и во утробе мо́ей.

Христóс ёсть, вкусíte и в́идите: Господь нас рáди, по нам бо дрéвле б́ывый, е́диною Себé принёс, я́ко приноше́ние Отц́у Своём́у, пр́исно закалáется, освящáяй причащáющихся.

Припев: Не отвёржи мене́ от лицá Твоегó, и Д́уха Твоегó Свята́го не отым́и от мене́.

Душе́ю и т́елом да освящ́уся, Влады́ко, да просвещ́уся, да спас́уся, да б́уду дом Твой причащ́ением свящ́енных Та́ин, жив́ущаго Тя имéя в себé со Отц́ем и Д́ухом, Благодéтелю Многом́илостиве.

Припев: Возда́ждь ми рáдость спасéния Твоегó и Д́ухом Влады́чним утверди́ мя.

Я́коже огонь да б́удет ми, и я́ко свет, Т́ело Твоё и Кровь, Спа́се мой, пречестна́я, опалéя грехóвное вещество́, сжигáя же страстéй тёрние, и всего́ мя просвещáя, поклонáются Божеству́ Твоем́у.

Припев: Пресвятáя Богороди́це, спаси́ нас.

Богородичен: Бог воплот́ися от ч́истых кровéй Твоих; тёмже вся́кий род поёт Тя, Влады́чице, умная же мнóжества слáвят, я́ко Тобóю я́ве узрéша все́ми Влады́чествующаго, осуществóвавшагося челове́чеством.

Досто́йно ёсть я́ко воистинну блаж́ити Тя, Богороди́цу, Присноблаж́енную и Пренепорóчную и Мáтерь Бóга нáшего. Честн́ейшую Херув́им и слáвнейшую без сравн́ения Сераф́им, без ислéния Бóга Сло́ва рóждшую, с́ущую Богороди́цу Тя величáем.

Святы́й Бóже, Святы́й Кре́пкий, Святы́й Безсме́ртный, помíлуй нас. (Трижды)

Пресвятáя Трóице, помíлуй нас; Гóсподи, очисти́ грехи́ нáша; Влады́ко, прости́ беззакóния нáша; Святы́й, посети́ и исцели́ нéмощи нáша, и́мене Твоегó рáди.

Гóсподи, помíлуй. (Трижды)

Слáва Отцу, и Сы́ну, и Свято́му Д́уху, и ны́не и пр́исно и во ве́ки веко́в. Ами́нь.

О́тче наш, И́же еси́ на небесéх! Да свят́ится и́мя Твоё, да приидет Цáрствие Твоё, да б́удет во́ля Твоя́, я́ко на небеси́ и на земл́и. Хлеб наш насущный даждь нам днесь; и оста́ви нам до́лги нáша, я́коже и мы оставля́ем должникóм нáшим; и не введи́ нас во искуше́ние, но избáви нас от лука́ваго.

Тропари покаянные

Помíлуй нас, Гóсподи, помíлуй нас; вся́каго бо отвéта недоуме́юще, сию́ Ти моли́тву, я́ко Влады́це, грéшнии принóсим: помíлуй нас.

Слáва Отцу, и Сы́ну, и Свято́му Д́уху. Гóсподи, помíлуй нас, на Тя́ бо упова́хом; не прогне́вайся на ны́ зело́, ниже́ помяни́ беззакóний нáших, но при́зри и ны́не я́ко благоутрóбен, и избáви ны́ от враг нáших. Ты́ бо еси́ Бóг нáш, и мы́ лю́дие Твой, вси́ дела́ рукы́ Твое́ю, и и́мя Твоё призывáем.

И ны́не, и пр́исно, и во ве́ки веко́в, ами́нь. Милосе́рдия двéри отвёрзи́ нам, благословéнная Богороди́це, надéющиеся на Тя́ да не поѓибнем, но да избáвимся Тобóю от бéd: Ты́ бо еси́ спасéние рóда христиáнского.

Гóсподи, помíлуй. (40 рáз) И поклóны, ско́лько хочешь.

И стихій:

Хотя ясти, человекче, Тело Владычне,
Страхом приступи, да не опалишия: огонь бо есть.
Божественную же пия Кровь ко общению,
Первее примирися тя печалившим.
Таже дерзая, таинственное брашно яждь.

Прежде причастия страшныя жертвы,
Животворящаго Тела Владычня,
Сим помолися образом со трепетом:

Молитва 1-я, свт. Василия Великого (†379)

Владыко Господи Иисусе Христе, Боже наш, Источниче жизни и безсмертия, всея твари видимыя и невидимыя Содетелю, безначальнаго Отца соприсносущный Сыне и собезначальный, премногия ради благодати в последние дни в плоть оболкийся, и распныйся, и погребыйся за ны неблагодарныя и злонравныя, и Твоею Кровию обновивый растлевшее грехом естество наше, Сам, Безсмертный Царю, прими и мое грешнаго покаяние, и приклони ухо Твое мне, и услыши глаголы моя.

Согреших бо, Господи, согреших на небо и пред Тобою, и несмы достоин возрети на высоту славы Твоея: прогневах бо Твою благодать, Твоя заповеди преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконными моими, моего всячески ожидая обращения.

Ты бо рекл еси, Человеколюбче, пророком Твоим: яко хотением не хочу смерти грешника, но еже обратитися и живу быти ему. Не хощеши бо, Владыко, создания Твоею руку погубити, ниже благоволиши о погибели человечестей, но хощеши всем спастися, и в разум истины прийти. Темже и аз, аще и недостойн есмь небесе и земли, и сея привременныя жизни, всего себе повинув греху, и слабом поработив, и Твой осквернив образ; но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду.

Прими убо и мене, Человеколюбче Господи, якоже блудницу, яко разбойника, яко мытаря и яко блуднаго, и возми мое тяжкое бремя грехов, грех вземляй мира, и немощи человеческия исцеляяй, труждающихся и обремененных к Себе призываяй и упокоеваяй, не пришедый призвати праведных, но грешных на покаяние.

И очисти мя от всякия скверны плоти и духа, и научи мя совершати святину во страхе Твоем: яко да чистым сведением совести моея, святину Твоих часть приемля, соединюся святому Телу Твоему и Крови, и имее Тебе во мне живуща и пребывающа, со Отцем, и Святым Твоим Духом.

Ей, Господи Иисусе Христе, Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащаться, но даждь ми, даже до конечнаго моего издыхания, неосужденно воспринимати часть святину Твоих, в Духа Святаго общение, в напутие живота вечнаго, и во благоприятен ответ на

Страшнем судищи Твоем: яко да и аз со всеми избранными Твоими общник буду нетленных Твоих благ, яже уготовал еси любящим Тя, Господи, в нихже препрославлен еси во веки. Аминь.

Молитва 2-я, свт. Иоанна Златоустого (+407)

Господи Боже мой, вем, яко несмы достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна еже главу поклонити: но якоже с высоты нас ради смирил еси Себе, смирися и ныне смиренію моему; и якоже восприял еси в вертепе и в яслех безсловесных возлещи, сиче восприими и в яслех безсловесныя моея души, и во оскверненное мое тело внити.

И якоже не недостойл еси внити, и свечеряти со грешники в дому Симона прокаженного, тако изволи внити и в дом смиренныя моея души, прокаженныя и грешныя; и якоже не отринул еси подобную мне блудницу и грешную, пришедшую и прикоснувшуюся Тебе, сиче умилосердися и о мне грешнем, приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнушайся скверных оная уст и нечистых, ниже мерзких моих и нечистых устен, и сквернаго и нечистейшаго моего языка.

Но да будет ми угол пресвятаго Твоего Тела, и честныя Твоея Крове, во освящение и просвещение и здравие смиренней моея души и телу, во облегчение тяжестей многих моих согрешений, в соблюдение от всякаго диавольскаго действия, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати, и Твоего Царствия присвоение.

Не бо яко презираяй прихожду к Тебе, Христе Боже, но яко дерзая на неизреченную Твою благодать, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и моленьми Пречистыя Твоея Матере, невещественных Твоих служителей и пречистых сил, и всех святых, от века Тебе благоугодивших. Аминь

Молитва 3-я, прп. Симеона Метафраста (+ 2-я пол. X в.)

Едине чистый и нетленный Господи, за неизреченную милость человеколюбия наше все восприемый смешение, от чистых и девственных кровей паче естества рождшия Тя, Духа Божественнаго нашествием, и благоволением Отца присносущнаго, Христе Иисусе, премудросте Божия, и мире, и сило; Твоим восприятием животворящая и спасительная страдания восприемый, крест, гвоздя, копие, смерть, умертви моя душеленныя страсти телесныя.

Погребением Твоим адова пленивый царствия, погреби моя благими помыслы лукавая советования, и лукавствия духи разори.

Тридневным Твоим и живоносным воскресением падшаго праотца возставивый, возстави мя грехом поплзшагося, образы мне покаяния предлагая.

Преславным Твоим вознесением плотское обоживый восприятие, и сие десным Отца седением почтый, сподоби мя причастием святых Твоих Таин десную часть спасаемых получитьи.

Снітием Утѣшителя Твоего Духа сосуды чѣстны священныя Твоя ученики соделавай, приятелище и мене покажи Того пришествия.

Хотяй паки прийти судити вселенней правдою, благоволи и мене усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со Безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

Молитва 4-я, прп. Иоанна Дамаскина (до †754)

Владыко Господи Иисусе Христе, Боже наш, едине имей власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в мучу, ни в приложение грехов, но во очищение, и освящение, и обручение будущего Живота и царствия, в стѣну и поможь, и в возражение сопротивных, во истребление многих моих согрешений.

Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

Молитва 5-я, свт. Василия Великого († 379)

Вем, Господи, яко недостойне причащаюся пречистаго Твоего Тѣла и честныя Твоея Крѣве, и повинен есмь, и суд себе ям и пию, не разсуждая Тѣла и Крѣве Тебе Христа и Бога моего, но на щедроты Твоя дерзая прихожду к Тебе рекшему: ядый Мою плоть, и пийи Мою кровь, во Мне пребывает, и аз в нем.

Умилосердися убо, Господи, и не обличи мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тѣла; во отгнание всякаго мечтания, и лукаваго деяния, и дѣйства диавольскаго, мысленне во удесех моих дѣйствующаго, в дерзновение и любовь, яже к Тебе; во исправление жития и утверждение, в возвращение добродетели и совершенства; во исполнение заповедей, в Духа Святаго общение, в напутие живота вечнаго, во ответь благоприятен на Страшнем судищи Твоем: не в суд или во осуждение.

Молитва 6-я, прп. Симеона Нового Богослова (†1022)

От скверных устен, от мерзкаго сердца, от нечистаго языка, от души осквернены, прими моление, Христе мой, и не презри моих ни словес, ниже образов, ниже безстыдия. Дажь ми дерзновенно глаголати, яже хочу, Христе мой, паче же и научи мя, что ми подобает творити и глаголати.

Согреших паче блудницы, яже уведе, где обитаеши, миро купивши, прииде дерзостне помазати Твой нозе, Бога моего, Владыки и Христа моего. Якоже ону не отринул еси пришедшую от сердца, ниже мене возгнушайся, Слово: Твой же ми подаждь нозе, и держати и целовати, и струями слезными, яко многоценным миром, сия дерзостно помазати. Омий мя слезами моими, очисти мя ими, Слово. Остави и прегрешения моя, и прощение ми подаждь.

Веси зól множество, веси и струпы моя, и язвы зриши моя, но и веру веси, и произволение зриши, и въздыхание слышиши. Не тайтся Тебѣ, Бóже мой, Творче мой, Избавителю мой, ниже капля слезная, ниже капли часть некая. Несодѣланное мое видесте очи Твой, в книзе же Твоей и еще несодѣянная написана Тебѣ суть.

Виждь смирение мое, виждь труд мой елик, и грехи вся остави ми, Бóже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пий чистым сердцем; Ты бо рекл еси, Владыко мой: всяк ядый Мою Плоть, и пий Мою Кровь, во Мне убо сей пребывает, в немже и Аз есмь. Истинно слово всяко Владыки и Бóга моего: божественных бо причащаяся и боготворящих благодатей, не убо есмь един, но с Тобю, Христе мой, Светом трисолнечным, просвещающим мир. Да убо не един пребуду кроме Тебѣ Живодавца, дыхания моего, живота моего, радования моего, спасения миру.

Сего ради к Тебѣ приступих, якоже зриши, со слезами, и душею сокрушенною избавления моих прегрешений прошу прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокайным: да не кроме обрет мя Твоея благодати, прелестник восхитит мя льстивне, и прельстив отведет боготворящих Твоих словес. Сего ради к Тебѣ припадаю, и тепле вопию Ти: якоже блуднаго приял еси, и блудницу пришедшую, тако прими мя блуднаго и сквернаго, Щедре.

Душею сокрушенною, ныне бо к Тебѣ приходя, вем, Спасе, яко иной, якоже аз, не прегрешил Тебѣ, ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бóга моего многое долготерпение, и человеколюбие крайнее; но милостию сострастия тепле кающиеся, и чистиши, и светлиши, и света твориши причастники, общники Божества Твоего соделоваяй независтно, и странное и Ангелом, и человеческим мыслем, беседеуеши им многажды, якоже другом Твоим истинным. Сия дерзостна творят мя, сия вперяют мя, Христе мой.

И дерзая Твоим богатым к нам благодеянием, радуясь вкупе и трепеща, огневи причащаюся травя сый, и странно чудо, орошаем неопально, якоже убо купина древле неопальне горящи.

Ныне благодарною мыслию, благодарным же сердцем, благодарными удесы моими, души и тела моего, поклоняюся и величаю, и славословлю Тя, Бóже мой, яко благословенна суща, ныне же и во веки.

Молитва 7-я, свт. Иоанна Златоустого (+ 407)

Бóже, ослаби, остави, прости ми согрешения моя, елика Ти согреших, аще словом, аще делом, аще помышлением, волю или неволю, разумом или неразумием, вся ми прости яко блг и Человеколюбец, и молитвами Пречистыя Твоея Матере, умных Твоих служителей и святых сил, и всех святых от века Тебѣ благоугодивших, неосужденно благоволи прияти ми святое и пречистое Твое Тело и честную Кровь, во исцеление души же и тела, и во очищение лукавых моих помышлений.

Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

Его же, 8-я

Нéсьмь дово́лен, Влады́ко Го́споди, да вни́деши под кро́в ду́ши моея́; но понéже хо́щещи Ты́, я́ко Человеколю́бец, жи́ти во мнé, дерза́я присту́паю; повелева́еши, да отве́рзу двéри, я́же Ты́ еди́н созда́л еси́, и вни́деши со человеколю́бием я́коже еси́, вни́деши и просвещáеши помраче́нный мо́й по́мысл.

Ве́рую, я́ко сиé сотвори́ши: не бо блудни́цу, со слезáми пришéдшую к Тебé, отгна́л еси́; ниже́ мытаря́ отве́ргл еси́ пока́явшася; ниже́ разбо́йника, позна́вша Ца́рство Твое́, отгна́л еси́; ниже́ гонителя́ пока́явшася оста́вил еси́, е́же бé: но от пока́яния Тебé пришéдшия вся́, в ли́це Твои́х друго́в вчини́л еси́, Еди́н сый́ благословéнный всегдá, ны́не и в безконéчныя ве́ки. Ами́нь.

Его же, 9-я

Го́споди Иису́се Христé Бóже мо́й, осла́би, оста́ви, очисти́ и прости́ ми́ грéшному, и непотрéбному, и недостóйному рабу́ Твоему́, прегрешéния, и согрешéния, и грехопадéния моя́, елика́ Ти́ от ю́ности моея́, да́же до настоящего́ днé и часа́ согреши́х: а́ще в ра́зуме и в неразу́мии, а́ще в словесéх или́ дéлех, или́ помышлéниях и мы́слех, и начинáниях, и всéх мои́х чу́вствах.

И моли́твами безсе́менно ро́ждшия Тя́, Пречи́стыя и Присноде́вы Мари́и, Ма́тере Твоея́, еди́ныя непосты́дныя наде́жды и предстáтельства и спасéния моего́, сподóби мя́ неосуждéнно причаститися пречи́стых, безсмéртных, животворя́щих и стра́шных Твои́х Та́инств, во оставлéние грехо́в и в жи́знь вéчную: во освящéние, и просвещéние, крéпость, исцелéние, и здра́вие ду́ши же и тéла, и в потреблéние и всесовершенство́ погублéние лука́вых мои́х помы́слов, и помышлéний, и предприя́тий, и но́чных мечтáний, тёмных и лука́вых духо́в; я́ко Твое́ е́сть ца́рство, и си́ла, и сла́ва, и че́сть, и поклонéние, со Отце́м и Святы́м Твои́м Ду́хом, ны́не и присно, и во ве́ки веко́в. Ами́нь.

Моли́тва 10-я, прп. Иоáнна Дамаски́на (до †754)

Пред двéрьми хра́ма Твоего́ предстою́, и лю́тых помышлéний не отступаю́; но Ты́, Христé Бóже, мытаря́ оправдыви́й, и хананéю поми́ловавый, и разбо́йнику рая́ двéри отве́рзый, отве́рзи ми́ утробы́ человеколю́бия Твоего́ и приими́ мя́ приходя́ща и прикаса́ющася Тебé, я́ко блудни́цу, и кровото́чивую: о́ва у́бо кра́я ри́зы Твоея́ косну́вшись, удо́бь исцелéние прия́т, о́ва же пречи́стеи Твои́ но́зе удержáвши, разрешéние грехо́в понесé.

А́з же, ока́янный, всé Твое́ Тéло дерза́я восприя́ти, да не опалéн бу́ду; но приими́ мя́, я́коже о́ныя, и просвети́ моя́ душéвныя чу́вства, попаля́я моя́ грехо́вныя вины́, моли́твами безсе́менно Ро́ждшия Тя́, и Небéсных си́л; я́ко благословéн еси́ во ве́ки веко́в. Ами́нь.

Моли́тва свт. Иоáнна Златоустого († 407)

Ве́рую, Го́споди, и исповéдую, я́ко Ты́ еси́ воистинну́ Христóс, Сын́ Бóга жива́го, пришéдый в ми́р грéшныя спасти́, от ни́хже пéрвый е́смь а́з. Ещé ве́рую, я́ко сиé е́сть са́мое пречи́стое Тéло Твое́, и сия́ е́сть са́мая честна́я Кро́вь Твоя́. Молю́ся у́бо Тебé: поми́луй мя́, и прости́ ми́ прегрешéния моя́, во́льная и нево́льная, я́же сло́вом, я́же дéлом, я́же ведéнием и неведéнием, и сподóби мя́ неосуждéнно причаститися пречи́стых Твои́х Та́инств, во оставлéние грехо́в, и в жи́знь вéчную. Ами́нь.

Приходя́ же причаститься, произноси́ мы́сленно эти́ стихи́ прп. Симеона́ Метафра́ста:

Сé приступáю к Божéственному Причащéнию. Содéтелю, да не опалиши мý приобщéнием: Огнь бо есй, недостóйныя поपालяй. Но ўбо очисти мý от всýкия сквэрны.

Затéм:

Вéчери Твоея тайныя днёсь, Сыне Бóжий, причáстника мý приими; не бо врагóм Твоим тайну повéм, ни лобзáния Тí дам, яко Иўда, но яко разбóйник исповéдаю Тя: помяни мý, Гóсподи, во Цáрствии Твоём.

И стихй:

Боготворящюю Крóвь ужаснйся, человекé, зря: Огнь бо ёсть, недостóйныя поपालяй. Божéственное Тéло и обожáет мý и питáет: Обожáет дýх, ўм же питáет странно.

Потóм тропарй:

Усладил мý есй любóвию, Христé, и изменил мý есй Божéственным Твоим рачéнием; но попали огнём невестéственным грехй моя, и насытитися ёже в Тебé наслаждéния сподóби: да ликýя возвеличáю, Блáже, двá пришéствия Твоя.

Во свётлостех Святых Твоих кáко вниду недостóйный? Аще бо дерзнý совнйти в чертóг, одéжда мý обличáет, яко нёсть брачна, и связан извёржен б́уду от Áнгелов. Очисти, Гóсподи, сквэрну души моея, и спасй мý, яко Человеколюбец.

Тáкже молйтву:

Владыко Человеколюбче, Гóсподи Иисýсе Христé Бóже мой, да не в сýд мй б́удут Свята́я сия, за ёже недостóйну мй б́йти: но во очищéние и освящéние души же и тéла, и во обручéние б́удущия жйзни и цáрствия. Мнé же, ёже прилеплáтися Бóгу, блáго ёсть, полага́ти во Гóсподе уповáние спасéния моего.

И ещё:

Вéчери Твоея тайныя днёсь, Сыне Бóжий, причáстника мý приими; не бо врагóм Твоим тайну повéм, ни лобзáния Тí дам, яко Иўда, но яко разбóйник исповéдаю Тя: помяни мý, Гóсподи, во Цáрствии Твоём.